



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27-02-11-4375-8/21
Sarajevo, 3.3.2021. godine

UGOVOR O NAMJENSKOM KORIŠTENJU SREDSTAVA
za sufinansiranje naučnoistraživačkih/umjetničkoistraživačkih/istraživačkorazvojnih
projekata od posebnog interesa za Kanton Sarajevo

Zaključen dana 3.3.2021. godine između ugovornih strana:

1. **Ministarstvo za nauku, visoko obrazovanje i mlade Kantona Sarajevo** (u daljnjem tekstu: Ministarstvo), ul. Reisa Džemaludina Čauševića br.1, koje zastupa ministrica **prof.dr. Melika Husić-Mehmedović** i
2. **Mašinski fakultet Univerziteta u Sarajevu**, ul. Vilsonovo šetalište 9, Sarajevo (u daljnjem tekstu: dobitnik sredstava), **ID broj: 4200415950008**, koji zastupa **dekan prof. dr. Izet Bijelonja**.

Član 1.

Predmet ovog ugovora je dodjela finansijskih sredstava Mašinskom fakultetu **Univerziteta u Sarajevu** za sufinansiranje projekta:

„Razvoj inteligentnih sistema za predviđanje i optimiranje obradnih sistema i procesa u funkciji ublažavanja posljedica COVID-a 19“	23.700,00 KM
Voditeljica projekta: prof. dr. Đerzija Begić – Hajdarević	

u skladu sa Odlukom o utvrđivanju konačne rang - liste dobitnika sredstava broj: 11/05-34-12880-8/20 od 29. 12. 2020. godine, po Javnom pozivu Ministarstva za obrazovanje, nauku i mlade Kantona Sarajevo, broj: 11/05-11-12880-1/20 Sarajevo od 12.06.2020. godine i Odlukom Vlade Kantona Sarajevo broj: 02-04-5263-10/21 od 25.02.2021.godine o izmjeni Odluke o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo iz Budžeta Kantona Sarajevo za 2020. godinu broj: 02-04-13850-8/20 od 28.5.2020.godine.



Član 2.

Ministarstvo će, Dobitniku sredstava, odobrena sredstva iz člana 1. ovog ugovora u iznosu od **23.700,00 KM** preraspodijeliti sa budžetske organizacije 35 01 0001 Ministarstvo za nauku, visoko obrazovanje i mlade, ekonomski kod 614300 QAN002 Programi nauke na budžetsku organizaciju - 35020017 Univerzitet u Sarajevu - Mašinski fakultet, na ekonomske kodove naznačene u tabeli:

Rb.	Dobitnik sredstava	Naziv projekta	Voditelj projekta	Iznos odobrenih sredstava za sufinansiranje	Budžetska stavka	Ekonomski kod	Iznos sredstava	Period realizacije
6.	Mašinski fakultet (35020017)	Razvoj inteligentnih sistema za predviđanje i optimiranje obradnih sistema i procesa u funkciji ublažavanja posljedica COVID-19	Prof. dr. Đerzija Begić – Hajdarević	23.700,00 KM	Bruto plaće i naknade plaća	611100		2021.
					Doprinosi poslodavca	612100		2021.
					Putni troškovi	613100		2021.
					Izdaci za energiju	613200		2021.
					Izdaci za komunikaciju i komunalne usluge	613300		2021.
					Nabavka materijala i sitnog inventara	613400	4.200,00	2021.
					Izdaci za usluge prevoza i goriva	613500		2021.
					Unajmljivanje imovine, opreme i nematerijalne imovine	613600		2021.
					Izdaci za tekuće održavanje	613700		2021.
					Izdaci osiguranja, bankarskih usluga i usluga platnog prometa	613800		2021.
					Ugovorene i druge posebne usluge	613900	6.000,00	2021.
					Posebna naknada na	613900		2021.



					dohodak za zaštitu od prirodnih i drugih nepogoda			
					Nabavka opreme	821300	10.500,00	2021.
					Nabavka stalnih sredstava u obliku prava	821500	3.000,00	2021.
					UKUPNO		23.700,00	

Član 3.

(Opće odredbe o realizaciji ugovora)

Dobitnik sredstava prihvata finansijska sredstva iz člana 1. ovog ugovora i obavezuje se da će ista utrošiti u 2021. godini, namjenski i u skladu sa zakonom.

Utrošak sredstava će se vršiti u skladu sa planom utroška sredstava iz člana 2. ovog ugovora.

Ministarstvo će vršiti kontrolu namjenskog utroška odobrenih sredstava iz člana 1. ovog ugovora kroz:

- a) razmatranje izvještaja o utrošku sredstava koji je Dobitnik sredstava obavezan podnositi u skladu sa ovim ugovorom,
- b) na drugi način za koji Ministarstvo procjeni da je adekvatan.

Strane su saglasne da Ministarstvo u periodu trajanja ugovora zadržava pravo jednostranog raskida ugovora ukoliko se naknadno utvrdi da je Dobitnik sredstava u dostavljenoj aplikaciji na Javni poziv netačno prikazao da ispunjava bilo koji od uslova za dodjelu sredstava propisan Odlukom Vlade Kantona Sarajevo broj: 02-04-13850-8/20 od 28.05.2020. godine i Javnim pozivom za sufinansiranje programa nauke iz Budžeta Kantona Sarajevo za 2020. godinu, te ukoliko se utvrdi da dobitnik sredstava nenamjenski koristi sredstva.

U slučaju da Ministarstvo jednostrano raskine ugovor, Dobitnik sredstava se obavezuje da po zahtjevu Ministarstva iz vlastitih prihoda izvrši povrat doznačenih sredstava na račun Trezora Kantona Sarajevo.

Član 4.

(Obaveze Dobitnika sredstava)

Dobitnik sredstava je obavezan da:

- omogućiti Ministarstvu kontrolu namjenskog utroška sredstava
- namjenski utroši sredstava i Ministarstvu dostavlja kvartalne izvještaje kao i završni (finalni) izvještaj o namjenskom trošenju sredstava,
- za vrijeme realizacije projektnih aktivnosti u okviru kvartalnog izvještaja o namjenskom utrošku sredstava, dostavlja pisanu informaciju o fazama istraživanja čiji će krajnji rezultat biti sticanje naučnog stepena doktora nauka člana projektnog/istraživačkog tima,



- nakon odbrane doktorske disertacije člana projektnog/istraživačkog tima dostavi Ministarstvu zvaničan dokaz o sticanju naučnog stepena doktora nauka (pisanu potvrdu ustanove na kojoj je odbranjena doktorska disertacija),
- najkasnije 30 dana od nastupanja roka koji je projektom predviđen za realizaciju projektnih aktivnosti dostaviti finalni (integralni) pisani izvještaj o utrošku cjelokupnog odobrenog iznosa sredstava po osnovu odobrenog projekta uz preciziranje svake stavke i iznosa utrošenih sredstava.

Član 5. **(Obaveze Ministarstva)**

Ministarstvo je obavezno da:

- izvrši uplatu odobrenih sredstva iz člana 1. ovog ugovora
- vrši nadzor nad utroškom dodijeljenih sredstava u skladu sa ovim ugovorom.

Član 6. **(Posljedice propuštanja urednog izvršavanja ugovorenih obaveza)**

Ukoliko Dobitnik sredstava Ministarstvu ne dostavi izvještaj o utrošku sredstava u skladu sa članom 4, ovog ugovora, obavezuje se da izvrši povrat uplaćenih sredstava najkasnije 30 dana od dana nastupanja ugovorenog roka za izvršenje obaveze na račun Trezora Kantona Sarajevo i to iz sredstava koja predstavljaju vlastite prihode Dobitnika sredstava.

Dobitnik sredstava koji propusti uredno izvršenje ugovorene obaveze u pogledu namjenskog utroška dodijeljenih sredstava i blagovremenog dostavljanja pisanog izvještaja kojim se na dokumentovan način dokazuje namjensko trošenje sredstava, ne može u naredne dvije budžetske godine ostvariti pravo na dodjelu sredstava iz Budžeta Kantona Sarajevo sa pozicije Ministarstva koja su namijenjena kao podrška Programima nauke.

Pravo na dodjelu sredstava u skladu sa prethodnim stavom, u svojstvu voditelja projekta ili člana projektnog tima, gubi i voditelj Projekta „Razvoj inteligentnih sistema za predviđanje i optimiranje obradnih sistema i procesa u funkciji ublažavanja posljedica COVID-a“, prof. dr. Đerzija Begić – Hajdarević.

Član 7.

Za pitanja koja nisu regulisana ovim ugovorom, a odnose se na prava i obaveze ugovorenih strana primjenjivat će se Zakon o obligacionim odnosima.

Član 8.

Ugovorne strane svojim potpisom potvrđuju da su pročitale i razumjele odredbe ovog ugovora. Ugovorne strane će eventualne sporove rješavati sporazumno, u protivnom za sporove nastale iz ovog ugovora nadležan je Kantonalni sud u Sarajevu.



Član 9.

Ugovor je sačinjen u četiri primjerka, od kojih jedan pripada Dobitniku sredstava, a tri primjerka Ministarstvu.

**MAŠINSKI FAKULTET UNIVERZITETA
U SARAJEVU**

Prof. dr. Izet Bijelonja

**MINISTARSTVO ZA NAUKU, VISOKO
OBRAZOVANJE I MLADE
KANTONA SARAJEVO**

Prof. dr. Melika Husić-Mehmedović

Broj protokola: _____

Datum: _____



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-029,
Sarajevo, Reisa Džemaludina Čauševića 1

